

LEKALA LA TSA LEHAE LE TŠOERE LEANO LA KENYELETSO EA BASOTHO BOHLE

E nngoe ea lintlha tse kholo har'a tse ling e le ho akofisa bosebeletsi ba Sechaba; Lekala la Litaba tsa Lehae le hira batho ba nang le bokooa e le ho etsa hore batho ba mofuta oo, ba fumane litšebeletso ha bobebe. Haa joale, Ofising ea litšebeletso tsa phano ea litokomane tsa Mantlha tsa Motho Maseru Mall, ho na le basebetsi ba nang le bokoa ba kutlo le puo.



Monghali Litšoane Keketsi

Lekala le hirile batho bana ho tloha ka Pulungoane 2020.

Mookameli oa Lefapha la Phano ea Litokomane tsa Mantlha tsa Motho

Monghali Litšoane Keketsi o re ntlha-kholo ea ho sebetsa le batho ba joalo ke ho phetha leano la ho se sie morao batho banang le mokooa bofe kapa bofe, e le hore Mosotho e mong le e mong a be le tokelo ea ho

fumana mosebetsi 'Musong. A tsoela-pele are ho sebetsa le batho ba joalo, ha hona phaphang le ho bohle ka ha ba etsa

mosebetsi o tšoanang le bahlanka ba bang ka kakaretso.

Ebile ho nolofalitse

bosebeletsi ho batho ba nang le bokooa – haholo ba kutlo le puo,

ba seng ba fuoa litšebeletso ha bobebe ka ha ba utloana ka puo ea matsoho.

E mong oa basebetsi bao Monghali Mashile



Monghali Mashile Khantši

Khantši, o re Lekala la tsa Lehae le ba etselitse mohlolo eena le mphato oa hae Limakatso, ka ho ba fa mosebetsi o etsoang ke motho e mong le e mong ofising ntle le khethollo. A re sena ha sea ba fa boitšepo feela empa se file ba bang ba tšoanang le bona monyetla oa ho fumana litšebeletso ka thello ka ha ba utloana hantle. A bontša hore batho ba mofuta oo, motho a ka bona hlathe e lelekisa tsebe ha ba hlokomela hore le bona ba khona ho thusoa ntle le tšitiso ea letho joalo ka Basotho ba bang. "Ke khothaletsa

hore ekare le makala a mang a ka qopitsa sena”.



rialo Khantši.

A manolla taba eo ka hore batho ba nang le bokooa ba kopana le liqholotso mafapheng a mangata, 'me har'a tse ling ba qetelle ba sa abeloa toka ka lebaka la hose utloane le bao ba ba sebellatsang.

Lekala la tsa Lehae le ba

etselitse molemo ka ho ba batlela toloko e le hore mosebetsi o e tsahale ka thello e fetisang ho batho boohle ka hoba ke litsebe le molomo oa bona. Mofumahali Mamello Lesoetsa eo e leng toloko o qalile ho sebetsa 'moho le Monghali Khantši le Mofumahali Limakatso ka selemo sa 2020.